



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt& reges Francorvm, Carolvm Martellvm, ...

Gretser, Jacob

[München], 1613

Item exemplar Epistolæ eiusdem Papæ ad Domnum Carolum Regem directa, in qua continetur de Diöcesis vel Parochiis Episcoporum partibus Italiæ, atq[ue] Tusciæ, quas alterutrum inuadentes; & de veste ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

*Item exemplar Epistola eiusdem Papae ad
Domnum Carolum Regem directa, in qua continetur de Dia-
cesis vel Parochiis Episcoporum partibus Italia, atq; Tuscia,
quas alterutrum inuadentes; & de veste Monachica, quam
contra sanctos Canones relinquentes, iterum seculari-
bus vestibus induebantur, & sibi illicito
Matrimonio sociabant.*

XCIV.

*Summ. 27.
Bar. &
Cent.*



** pax debe-
ret precede-
re. Quod
hac verè
ratione.*

OMNIO excellentissimo filio, nostroq; spiri-
tali Compatri Carolo, Regi Francorum &
Langobardorum, atque Patricio Romano-
rum, Adrianus Papa. Si in rebus secularibus suum cui-
que ius, & proprius ordo seruandus est, quanto magis
in Ecclesiasticis dispositionibus nulla debet induci
confusio, ne ibi discordia locum inueniat, vnde * pacis
debent procedere, quod hac veneratione seruabitur,
si nihil potestati, sed totum æquitati tribuitur. Perla-
tum siquidem ad nos est, quod Langobardorum Epi-
scopi, alter alterutrum inuadentes opponunt pericu-
lum, simulq; Ecclesiastica statuta enormiter deposcē-
tes conantur inuadere, & aliorum partes illicitè deti-
nentes, in pristino errore perseverare moluntur.
Olim quippe eorum gens in errore existens vestra à
Deo protecta regali potentia seruata est à talibus ma-
lignis & infidelibus actis emendari, vt vnde gloriosio-
res cæteris regibus eminentis, inde omnipotenti Do-
mino, qui dat salutem regibus, perfectius placeatis, &
fidem, quam Catholicè & Apostolicè per B. Petrum
Apostolorum principem, eiusque Vicarium, ortho-
doxè venerantes colitis, adiutricem in omnibus habe-
re mereamini.


Qua-

Quapropter poscentes vestram à Deo promotam regalem excellentiam, quæsumus, ut eorum errores contemnentes, canonicè vnusquisq; suam diœcesim sacerdotali moderamine tenere, atq; disponere officio Ecclesiastico valeat, & sicut termini seculares pro territoriis existunt, atq; in iudicio sub iure ciuitatis & ditionis actoribus disponuntur; ita eiusdem ciuitatis Ecclesiæ Episcopo diœcesis atque parochiæ nõ omittantur, vt dum vnusquisque Episcopus, per instituta sanctorum Canonum, atque prædecessorum nostrorum, pontificum sanctorum, priuilegiorum & sanctionum iura receperint, in eorum parochia atque diœcesi, in omni sacerdotali officio ministrantes, dignè valeant pro vestra à Deo instituta regali in Triumphis ampla victoria & præcellentiâ; fundere preces.

Porro & hoc vestræ suggerentes regali excellentiæ innotescimus errorem illum, qui in eadem gente Langobardorum callidè regnare, in stupris & spurciitiis diaboli non desinit; semel quippe Deo se vouentes, & veste fusca monachico habitu induentes, iterum retrorsum reuertentes, quod dici nefas est, sæculares vestes circumferentes, illicito copulari matrimonio perhibentur: quatenus pro hoc sæpius ammonuimus per Guntridum & aliis *gasindis* vestris epistolas dirigentes Raginaldo & Raginbaldo, vt tam detestabile stuprum deuitarent, sed ipsi nolentes acquiescere, per eorū contumaciam, filiam Ermenaldi Monachico habitu circumdatam, suo nepoti, nomine Nazario, Diabolica versutia copulauerunt, & nostris Apostolicis adhortationibus assensum tribuere noluerunt, & eorum adimplentes iniquā præsumtionem,

ministri diaboli effecti sunt, & plures in Italia, eorum inuitari exemplo non desinant, prorsus nempe freti existimus, quia pro hoc Canonicas dispositiones vestro à Deo protecto regali culmini incognitas nō esse credimus, qualiter talia tetra connubia eorum vetantes gladij ancipitis sanctionibus feriunt; & idcirco petimus, vt nostris vestrisque temporibus canonicè in omni Christiano populo nobis à Deo commissio tale illicitum scelus emendetur, vt pro hoc vos amplius dignos cultores omnipotentis Domini demonstratis; quemadmodum ab omni errore Christiano populo eruto valeat cum Propheta clamare; *Domine saluum fac regem, & exaudi nos in die qua inuocauerimus te*: quia crebro in virtute tua latatur & super salutare tuum exultat vehementer, & fidem sanctæ Catholicæ & Apostolicæ Romanæ Ecclesiæ amplectens in æuo, sine errore astruens cum sanctis omnibus permanebit, nosque in hoc ouantes, & gratias omnipotenti Domino referentes, eiusque diuinam exorantes clementiam pro vobis, vt regni gubernacula longiori æuo, vna cum Domna Regina, atque præcellentissima subole fruentes, in æthereis arcibus sine fine regnare mereamini. Incolumem excellentiam vestram gratia superna custodiat.

Psal. 19.



Item